

**BOSNA I HERCEGOVINA
FEDERACIJA BOSNE I HERCEGOVINE
FEDERALNO PRAVOBRANILAŠTVO
FEDERALNO PRAVOBRANITELJSTVO
SARAJEVO**

Broj: Fp-427/23
Sarajevo, 15.11.2023.godine

Bosna i Hercegovina
Federacija Bosne i Hercegovine
**PARLAMENT FEDERACIJE
SARAJEVO**

Primijeno: 15-11-2023			
Org. jed.	Broj	Priloga	Vrijednost
05/1	-02-	388	23

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE BOSNE I HERCEGOVINE
ZASTUPNIČKI DOM**

PREDMET: Odgovor na zastupničko pitanje, dostavlja se,-

VEZA: Vaš akt broj: 05/1-02-388/23 od 26.10.2023. godine.

Aktom, broj i datum iz veze, dostavili ste nam zastupničko pitanje zastupnika Slavena Raguž, kojim se od Federalnog pravobranilaštva traži odgovor koje se aktivnosti poduzimaju ili planiraju poduzeti po pitanju pravnog gonjenja, u cilju zaštite imovine Federacije BiH, odgovornih iz Federalne agencije za upravljanje oduzetom imovinom zbog nezakonitosti utvrđenih od strane Ureda za revizije institucija u Federaciji BiH.

Prema odredbama člana 16. Zakona o reviziji u institucijama Federacije Bosne i Hercegovine Ured za reviziju dužan je dostaviti konačan izvještaj revidiranoj instituciji i Parlamentu Federacije Bosne i Hercegovine. Izvještaj se u isto vrijeme dostavlja Vladi Federacije Bosne i Hercegovine i predsjedniku Federacije Bosne i Hercegovine, a može se dostaviti i svakoj drugoj nadležnoj instituciji. Revidirana institucija u kojoj je izvršena revizija dužna je poslati odgovor Uredu za reviziju i Ministarstvu finansija u roku do 60 dana od dana prijema revizorskog izvještaja u kojem se navode radnje koje su preduzete od te institucije radi prevazilaženja slabosti, neregularnosti i prekršaja koji su identifikovani u revizorskom izvještaju.

Prema navedenim zakonskim odredbama revidirana institucija, u konkretnom slučaju Federalna Agencija za upravljanje oduzetom imovinom, dužna je poduzeti radnje radi pravazilaženja slabosti i neregularnosti koje su identifikovane u revizorskom izvještaju i o tome izvijestiti Ured za revizije.

Zakonom o oduzimanju nezakonito stečene imovine pribavljene krivičnim djelom osnovana je Federalna Agencija za upravljanje oduzetom imovinom. Agencijom upravlja direktor koga postavlja Vlada Federacije BiH. Direktor rukovodi Agencijom, zastupa i predstavlja Agenciju, te odgovara za zakonitost rada, pravilno i zakonito vođenje materijalno-finansijskog poslovanja Agencije. Direktor je dužan svakih šest mjeseci podnijeti izvještaj o radu i finansijsko-materijalnom poslovanju Agencije Vladi Federacije Bosne i Hercegovine, koja ga dostavlja Parlamentu Federacije Bosne i Hercegovine na usvajanje. Ako izvještaj ne bude usvojen, Vlada Federacije Bosne i Hercegovine pokreće postupak za razrješenje direktora Agencije.

S obzirom na navedeno protiv odgovornih lica iz Federalne agencije za upravljanje oduzetom imovinom aktivnosti mogu poduzeti Ured za revizije institucija Federacije BiH, Agencija za upravljanje oduzetom imovinom i Vlada Federacije BiH.

Federalno pravobranilaštvo je državni organ koje poduzima mjere i pravna sredstva radi pravne zaštite imovine i imovinskih interesa Federacije Bosne i Hercegovine. Svoju funkciju vrši u skladu sa Ustavom Federacije BiH, federalnog zakona i drugih federalnih propisa i općih akata. Federalno pravobranilaštvo vri poslove zastupanja u svim sudskim postupcima i upravnom postupku.

Dostavljeno:

- Naslovu,
- a/a.



FEDERALNI PRAVOBRANITELJ

Jakov Dujić